



3. november 2020
Atassut

UKA 2020/9
Aqqu C. Jerimiassen

Inatsisartut Ombudsmandiata 2019-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersuut.

(Inatsisinut ataatsimiititaliaq)

Inuiaqatigiinni pisariaqarluinnarpoq pisortat suliaannut tunngassutilinnut naammagittaalliortoqarsinnaa. Taamaangippammi pissaanermik atornerluisoqarsinnaanera qaninneralaarsuussammat, kiisalu aqutsinikkut inuit suusupagineqartutullusooq ingerlasoqartoqannginniassammat.

Taamaattorli eqqarsarnarpoq, suliuna Inatsisartut ombudsmandiat suli nukittorsaqqittariaqalersoq. Tassami aamma Naalakkersuisunut nakkutilleeqataasussammat, piffissamilu qaninnermi Naalakkersuisut pissaanerat annertusiartuaaginnaavikkami, pisussaaffitsillu qaangillattaartalersimallugu. Naatsorsuutigiinnarsinnaavarput ukiup tulliani ombudsmandip ukiumoortumik nalunaarutaani Naalakkersuisut aamma uparuarneqarumaartut.

Naak 2019 tassaasimagaluartoq ukioq naammagittaalliuuteqarfiginerpaajusimasoq, iluarisimaaginnarsinnaavarput inuit naammagittaalliuuteqarsinnaanermut pisinnaatitaaffitsik paasilertorsimammassuk, pingaartumillu KNR tv-kkut paasissutissiisimanerup kinguneranik. Siunertaavormi pisortani, pingaartumillu kommunit sapinngisamik pitsaanerpaamik sulinerup ingerlannissaa, pisussaaffitsik malillugu.

Tusagassiorfiit tassaapput inuiaqatigiinni pisunut nakkutilliisussat, innuttaasut sinnerlugit sulisut. Naalakkersuinikkut, Inatsisartunilu pisunut nakkutilliisussat. Eqqunngitsuliorqarsimatillugulu tusagassiorfiit pisussaaffiisa annersaraat tamakku tusagassiissutigissallugit. Oqartoqarniartaraluarpoq tusagassiorfuit ajortussarsiuunnartuusut, malersuiinnaavittuusullu. Taamatullumi eqqarsartarsimagutta, tusagassiorfiit suusut paatsuungaatsiarsimassavarput.

Imaattussaavormi pissaanerup pingasoqiusanngorlugu agguataarneqarnikuugaluartoq, tusagassiorfiit pissaanerup sisamaattut inissisimasoq. Ajoraluartumilli nunatsinni inuit partiiminnik illersuingaarlutik tusagassiorfiit tatiginarunnaarsarlugit malersuisutut naqissusertuartaapaat, naak aali tusagassiorfiit pisussaaffitsik malillugu suligaluartut. Tusagassiorfiimmi pisussaaffitsik atorsinnaanngippassuk, Naalakkersuisinikkut politikikkullu pissaanermik atornerluineq akueriinnartutullusooq pissaagut, unitsissinnaajunnaariartorlugillu.

Soorunalimi aamma tusagassiorfiit apeqquserneqarsinnaasussammata pressenævnumut naammagittaalliummik tunniussisoqarsinnaanera pissaanermik oqimaaqatigiissaaqataassaaq.



PaasivarputtaaƷ nalunngereerlutigulu Kommunit suliaŷsarparujussuarnik ulikkaartut angummanniapiloortoqartartorlu. Taamaattumik uuma nalunaarutip takuteqqiinnarpaa kommunini aqqiŷŷueqqinnissat, tulluaŷaqqinnissarlu pingaaruteqarluartoq, sulilu aningaasanik aqutsilluarnerulertariaqarneq pisariaqavissortutut isigisassaalluni. Pingaartumillu sulianut naapertuuttumik kommunit aningaasalerneqartarnissaat pisariaqarluinnarpoq, suliaŷsarpassuarnut angummaƷƷiartuaalissappata.

Taamatut oqaaseqarluta Atassummiit Inatsisartut Ombudsmandiata ukiumoortumik nalunaarussiaa tusaatissatut tiguarput.